

**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...

Herbipoli, 1700

Decas IV. Ab anno Christi 630. ad 640.

[urn:nbn:de:hbz:466:1-64756](#)

mi ovi pessimum corvum, cui magna ve-
neratione Mahumetani adhæserunt.

Hoc anno mortuo Georgio Episcopo
Alexandrino substitutus est Cyrus Lazo-
rum & Phasidis Antistes, à quo præceptore,
uti & Athanasio Heraclius mortiferum ve-
nenum hærefoes hausit.

Cœpit hoc tempore efflorere Veneta
Respublica ex tenuibus initiis tempore de-
populationis Hunnicæ in paludibus cir-
cumpadanis exorta; quam Honorius
hoc anno in suis litteris Christianissimam
appellat, facta nunc contra Turcas murus
Christianitatis.



DECAS IV.

* *Ab anno Christi 630. ad 640. **

631 **H**eraclius Imperator quantum rei
christianæ profuit tantum iterum
obesse cœpit, immo pessundedit Romanam
potentiam & felicitatem, quamprimum à
fide naufragatus est, hinc Monothelitarum
hæresin fovendo, & inde Mahumetanas
vires quotidie potentiores & formida-
liores non mature opprimendo.

Clotarius II. Francorum Rex hoc anno
migravit è vita, & regnum filio suo Dago-
berto

berto soli moderandum reliquit : eiisque
Pipinum Neustriæ Ducem (quem sibi in
Majorem domum ob præclaras virtutes ad-
sciverat) Præfectum commendavit. Et hic
quidem Pipinus dicendus est hujus nomi-
nis primus , ex quo alii duo Pipini Eccle-
siæ propugnacula processerunt, videlicet
Pipinus Secundus nepos ipsius, & Pipinus
tertius nepos secundi , qui postmodum
regnum Francorum adeptus est. Ne verò
confundatur historia, ita genus Pipinorū &
series à Stephano Abate contexitur. Prior
Pipinus qui major domus à Clotario & Præ-
fectus Dagoberto constitutus erat , Pa-
trem habuit Carolomannum seniorem ,
& ex nupta sibi Itta religiosissima fœmina
S. Modualdi sorore , liberos suscepit Gri-
moaldum, Gertrudem , & Beggam, omnes
pietate insignes: ex Begga juncta matrimo-
nio Ansegiso filio S. Arnulphi, (postea Me-
tensis Episcopi,) natus est Pipinus Junior
senioris nepos , ex hoc autem natus est Ca-
rolus , cognomento Martellus, qui genuit
tres filios, Carolum, Carolomannum & Pi-
pinum ordine tertium, Primum autem ejus
generis & nominis Regem Francorum.

* Dagoberto jam Rege facto & regnum
moderante, S. Arnulphus Metensis Episco-
pus, qui eum instituerat, eremum petiit, ut

sibi vacaret, neque tamen Dagoberto magnæ Sanctitatis Episcopi defuere, quales erant tunc temporis Chunibertus Coloniensis, Eligius ex aurifice Noviomensis, & Audoenus, omnes ætatis illius & regni lumina, quorum familiaritate usus Dagobertus, maximis rem Christianam incrementis promovit.

☆(632.)☆ Incipiunt grassari Mahometani. Successor enim Mahometis Eububezen, seu Aububachar, factus Amirs (quod Principatus nomen est) suorum Saracenorum fretus alacritate Palæstina, Præsidem cum copiis se se vastationibus ejus opponentem cædit, & Gazæ regione longè latèque devastat ; Neque Cometa defuit, in gladii formam emicans & maximarum cladum à Saracenorum grassatione Imperio imminentium , si unquam alias, tunc certè fatidicus interpres.

Saraceni Principem suum Ascatorium, alio nomine Jezdezirdem regno simul & vita privant, & Principem sibi eligunt ex stirpe Mahometis, quem Calypham appellant, & hinc nomen suum ac Institutum accepit Æra Jezdizerdis Persæ.

Dagobertus Gomatrude sterili conjugé repudiata suadentibus aulicis adulatoriis Nantildem puellam superinduxit,
quod

quod facinus, cum Amandus reprehendisset, in exilium abactus est: quæ poena Vasconibus valde fortunata fuit. Plurimos enim ex illis adhuc idololatras ad fidem traduxit.

* (633.) * Theodorus frater Heraclii turpiter vietus est à Saracenis Duce Haumaro, qui Eulubezeri Amo mortuo successit in Principatu. Quo audito Heraclius jam male sibi & Imperio metuens lignum salutiferæ Crucis Hierosolymâ Constantinopolim, tutiùs ibi reponendum transferri curat, quæ ibidem summi populi veneratione excepta & adorationi exposita fuit. Imperator autem jam totus ab eo mutatus qui Cosrhoëm superaratur, nunc hæreticis additus, ipsi Deo viatori bellum parat.

Cyrus enim Alexandriæ Patriarcha Heraclii, jā retib' suis captivi, auctoritate suffultus, indixit Synodus per Sergium Episcopum Constantinopolitanum, in qua Monothelitis viam aperuit in Ecclesiam irrumpendi, sub voce pulcherrima, quâ operationem Christi & voluntatem vocabat *Theandricam sive Dei virilē*. non duas in Christo voluntates utriusque naturæ humanæ & divinæ, sed unius tantum, ejusque divinæ naturæ, humanam naturam quasi fa-

Età confusione absorbentis, unam tantum voluntatem & operationem profiteri & significare volebat. Acriter autem restitit Cyro Sophronius quidam monachus tum temporis, sed brevi & eodem anno factus in sede Hierosolymitana Modesti successor, qui datis ad Sergium litteris convincebāt, non unam tantum, sed duas voluntates in Christo, quas Cyrus tacuerat sub voce Theandricā exprimendas & paulam in formula fidei addendas esse. Sergius autem ad Honorium Papam scripsit, quae hac in causa coram Imp. Heraclio adfuissebant, & addidit sibi ac Imperatori & quum videri, ut suppressis illis vocibus duarum & unius voluntatis per vocem illam Theandrię pax ecclesiis redderetur. Quod cum suis litteris Honorius probasset, vocem illam pulcherrimam Theandricam, admittens, venenum autem occultum sub omissione duarum voluntatum non statim adverteret, inde suspicionem aliquibus movit, quod cum Monothelitis senserit, quae calumnia vix hodie ita abstensa est, ut ab hæreticis non crebris debuccinetur.

Celebrata est quarta Synodus Toletana, in qua præter alia commissum est onus S. Isidoro Hispalensi, ut Ecclesiasticum officium ordinaret per universam Hispaniam usur-

usurpandum, quod deinceps dictum fuit Mozorabicum, quasi mixtarabicum, quia eo non tantum liberi in Hispania, sed etiam inter Saracenos viventes servi uterentur.

* (634.) * Saraceni occupatâ magnâ parte Syriæ, Damasco & totâ Ægypto magnis cladibus & damnis affixerunt Romanos, neque tamen viatores illi tunc temporis plûs pro Imperio, quam pro suâ religione dilatandâ solliciti, negotii quicquam Christianis facessebant, imo publicis etiam muneribus eosdem præficiebant, quos inter Damasci tunc vivebant parentes S. Joannis Damasceni (qui proprio nomine Mansur dicebatur) cum magnâ famâ sanctitatis à Saracenis prorsus immunes & ab omni servitute liberi vivebant. Et videtur Deus voluisse, ut hæ regiones potius Saracenis subderentur, quam Monothelitarum blasphemis inficerentur.

S. Osvaldus Rex Anglorum Canduella tyrannum, auxilio S. Crucis viatis & cæsis magnis ejus copiis subegit & intermit. Evocavit deinde S. Aidanum, & Berviorum gentem sibi subditam Christo afferuit, factus & ipse ex Rege præco Dei & functus interpretis officio. Sed & Deus eidem vicem rependit, ac Britan-

F 5 nos

nos, Piætos, Scotos & Anglos (inter quæ tota Britannia distributa tunc fuerat) subjecit.

¶(635.) ¶ Sergius Dux Palæstinæ à Saracenis profligatur, & Hierosolyma obfideletur.

S. Pyrinus Episcopus gentem Occidentalium Saxonum in Anglia qui Geuissi dæti, una cum ipsorum Rege Cynigilso ad Christum convertit, de quo illud grande miraculum commemoratur, quod ascensurus aliquando navem, cùm urgentibus nautis præ festinatione in littore ubi missam celebrârat, reliquisset pallam sibi ab Honorio Pontifice datam, in quâ Corpus Christi offerebat in sacrificio, & postmodum è collo quoque suspensum gestare solebat (qui mos tum temporis adhuc viguit) nave plenis velis mare fulcante, reminiscens tam chari pignoris, ipse fide armatus in aquam descenderit, & super illam pedibus incedens, receptâ quam reliquerat, ad navem regressus sit, quæ interea immobilis hæsit, nautis tam manifesto miraculo attonitis, & ad fidem Christi amplectendam unanimiter conspirantibus,

¶(636.) ¶ Post duorum annorum obfisionem Hierosolyma à Saracenis occupatur, initis conditionibus, inter quas a gente

gente Sophronio erat, ut Christianis in universa Palæstina liceret sacra sua peragere. Qui tamen paulò post animam Deo reddidit, mœrore consumptus, quod videbat Homarum templum Salomonis reparare & in Mesquiram seu basilicam suæ sectæ convertere. Post mortem Sophronii Sergius Joppensis Episcopus hæreticus in sedem sanctissimam irrepsit, quæ ultima Ecclesiæ illius desolatio videri potuit.

Isidorus Hispalensis Episcopus doctrinæ & sanctitate clarissimus vitâ defunctus est, cui Theodosius natione Græcus suffensus est, qui libros Isidori magnâ ex parte corrupti, & cùm depositus esset à Synodo, factus est Mahumetis sectator.

* (637.) * Capta est Antiochia à Saracenis, & reliquiae S. Ignatii Martyris à Christianis Romam translatæ sunt.

* (638.) * Celebratum hoc anno Concilium Toletanum VI. in quo statutum, ut Reges Hispaniæ imposterum jurarent, se nullo modo passuros aliquem in regno vivere, qui non esset Catholicus, & si quis hanc legem revelleret, esset anathema mannanthâ in conspectu Dei, & pabulum efficeretur ignis æterni. Inde Baronius conficit Hispaniæ Regibus Catholici nomen inditum esse.

Honorius Pontifex laudatissimus, cui plurimum debet Ecclesia, ex hac vita migravit. In cuius locum successor electus est Severinus, quem Heraclius minime approbare voluit, quia editio perfidiae ab Imperatore promulgando consentire renuit. Ideo palatum quoque Lateranense ab Exarcho Isacio direptum est, & pulsi in exilium Cardinales, & pars praedae Constantinopolim transmissa, ac per hoc pro meriti sunt Imperatores Græci, ut impo sterum nihil possent in Italiam & Roman

Mortuo Ariovaldo Principi Longobardorum succedit Rotharis, sub quo modo leges Longobardis Edicti nomine scriptæ sunt: Cum antea inter eos tantum consuetudo valeret: quod mirum sane potuisse banc barbarem gentem per septuaginta circiter annos sine legibus contineri.

* (639.) * Heraclius magis magisq; indies à Deo aversus hoc tandem anno in profundum venit, ut editum promulgaret pro stabilienda Monothelitarum hæresi, idq; *Ethesin* sive expositionem nominavit, quam Sergius Constantinopoli in pseudo-synodo confirmavit, & Cyrus Alexandrinus laudavit. Romam autem transmissa à Severino mox anathemate per-

perculta est, quem propterea Imperatorii ministri ad mortem usque exagitáunt, quam hoc eodem anno obiit, sedem relinquentes Joanni IV. qui natione fuit Dalmata, & non tam ad honorem quam ad laborem electus est.

Functus itaque fato suo impius Sergius Constantinop. Episc. cum sedisset 30. annis successorem habuit non melioris farnæ, Pyrrhum Chrysopolitanum Monachum, quem Heraclius elegit, ut prorsus adhuc mergeretur ab eo in erroris abyssum.

Dagobertus hoc anno expulsis pellicibus, ex Regentrude uxore suscepit Sigebertum, quem Amando Episcopo ab exilio in hunc finem revocato baptizandum dedit, à quo etiam flexis genibus Rex veniam poposcerat. Hic autem puer dum sacro fonte ablueretur, diebus à nativitate sua quadraginta, ex circumstantibus nomine respondente ad finitam orationem consuetam *Amen*, ipse altâ voce respondit. *Amen*. Cujus miraculi omnis circumstans curia testis fuit.

* (640.) * Joannes Papa damnat Ethesin Heracli, quod ubi Imperatori innotuit, ne se Romanis execrabilem redderet negavit Ethesin esse edictum suum, sed Ser-

126 *Ab anno 600. ad 780.*

Sergii demortui (scilicet qui negare id non posset extra vivos constitutus) neque per hoc Heraclius abluit maculam, quin potius firmius opinionem de se sinistre conceptam radicavit, quia edito novo edito & veræ fidei professione, quod destruxerat non reædificavit.

Opposuit se fortiter Monothelitis circa hoc tempus S. Maximus Martyr quem Heraclius per vim traxerat in aulam & scribendis commentariis suis præfecerat : ille autem cum videret Imperatorem Monothelitis familiarem & fautorem esse , aulā desertā in Monasterium Chrysopolitanum se contulit , ibiq; Abbas creatus est & inde ad Africanos Episcopos profectus eosdem contra Monothelitas firmavit.

CyroAlexandrino Patriarchæ fatis functo successit haud melior antecessore suo Petrus, & Macedonius successit Antiochiae nequissimo Athanasio : scilicet ubique Zizaniorum disseminatores & errorum impii Magistri.



DECAS V.

❖ *Ab anno Christi 640. ad 650. ❖*

641. **H**eraclius cum imperasset 31. an.
❖ **H**uis infelici exitu vitam clausit vari-